



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritualem Pharmacorum Contra Litem Contagiosam Aliosque Morbos

Wichmans, Augustin

Antverpiae, 1626

Cap. LXVII. Derisores Sacrarum Litaniarum & supplicationum, non semel
peste punitos esse.

urn:nbn:de:hbz:466:1-9653

molles, & minùs abstemij, omnia ad suas nequitias paliandas secum trahunt, & Scripturę sacrę natum cereum affingunt.

CAP. LXVII.

Derisores sacrarum Litaniarum & supplicationum non semel peste punitos esse.

Lutherus & eum secuti Magdeburgenses centuria 3. cap. 10. in Tertulliano, processiones & Litanias publicas referunt ad Montani hæretici ceremonias, & Tertulliani errores. Sed, vt omnia, falsò & friuolè. Iubet enim Deus eas indici sapissimè in Scriptura, vt Ioelis 2. *Canite tuba in Sion, sanctificate ieiunium, vocate cœtum, congregate populum, sanctificate Ecclesiam, coadunate senes, &c. Inter vestibulum & altare plorabunt sacerdotes ministri Domini & dicent: Parce Domine, parce populo tuo & ne des hereditatem tuam in opprobrium.* Per easdem corruerunt muri Ierechuntini, indixitque eas David & Iosaphat reges piissimi. imò eas sanxit Christus suo facto & exemplo dum publica populi processione ingressus est Ierosolymam in die Palmarum cum hymnis & canticis, ramis psalmarum & ornamentis tapetum. — Carolus Magnus Imper. Litaniam, inquit, maior more Romano 7. Kalend. Maij celebretur. ita anno 36. Imperij Theodosij, cum Constantinopolis terræ motu quateretur, totus populus supplicans clamauit, *Kyrie eleison*, & liberati sunt. Vidimus superiori capite quòd cum Antuerpia nondū esset nigra illa hæreseos fuligine aspersa, sed tota pulchra sine

Qq 3

ma-

macula sine ruga, in antiqua parentum religione perseverans, pro auertenda lue Anglica solemnes Litanias indixerit. factum laudauimus quia verè laudabile. at postea extraneorum decepta magis quàm suffragata erroribus, quæ veluti communis mercimoniorum parens reiectionem spumam facili gremio exceperat, non nihil peregrini aëris adflatu maligno tacta fuit, vnde paulatim hinc inde in debilioribus sui partibus auitæ Catholicæ fidei deliquium pati coepit, vt ex sequenti narratione plenius patebit.

Tilman.
Breden-
bachius
l. 7. coll.
fac. c. 43.

Circa annum Domini millesimū quingentesimū sexagesimū-primū, cum ibidem in platea cochlearia vulgò appellata, detestabili impuræ Veneris vico & scortorum fornice, plerique nouarum rerum studiosi conuenissent diemque festum agerent ob Patres Societatis vrbe submotos, ac pernam bene elixam in medio plateæ adferentes læti epularentur, ac deinde ad choreas & tripudia sese dederent, ecce paulò post illius plateæ habitatores tam sæua inuasit pestis vt circiter 40. ex ea lue statim extinguerentur, inter quos & Capitaneus & præcipui illius loci incolæ fuerunt. Qui & paucos ante menses, Catholicos scommatibus & dictariis diuexarant cum iuxta antiquissimum totius Ecclesiæ ritum in diebus Rogationum ab æde sacra D. Michaelis ad Basilicam Deiparæ Virginis sacras Litanias solemniter & religiosè peragerent. vtriusque facinoris impietatem vnâ ultione Deus vindicauit, vt qui autè dissimulando se mitem & longanimum ostenderat, nunc vindicando se Deū ultionis declararet. quæ dum scribo, intelligo eandem infamem plateam simili lue hoc anno 1625. planè emortuam, Deo haud dubiè horrenda turpitudinum scelera rursus vindicante.

Beth-

Bethsaminæ solummodo Arcam fœderis cùm deferretur curiosius aspexerant, & ecce tot millia de populo subitanè à Domino percutiuntur. quantò magis si irrississent? Cùm ciuitas Aurelianensis à Gothis obsideretur, S. Anianus vrbis eius Episcopus cum Clero per muros, & moenia Litanias sanctorum decantabat implorando eorum opem per quam ab obsidente hoste præseruari ciuitas posset. audiit hoc Sacerdos aliquis à Gothis captus, diffidensque atq; irridens exclamabat: Casâ spe duceris Aniane, si credas precibus sanctorum, hostem te superaturum. similia iam aliæ ciuitates dudù adhibuere, & nihilominus in hostiũ venere potestatem. Sed audi nũ impunè irriferit? Statim diuinitus percussus plagâ cor eius exedente, mortuus cõcidit. sanè Deus non irridetur neq; sancti eius, sed de hostibus suis vt ceteri timeant, zelotes ille se vindicat. Religiosior in his fuit magnus ille & numquã fatis laudatus Angliæ Cæcellarius & inuictus pro Catholica fide athleta Thom. Morus, qui in supplicationibus de more publicis Crucem Sacerdoti interdum præferbat superpellicio indutus, vulgaris Clerici vel æditui officium subire nihil detrectans, sed sese spõte offerens, nihil erubescens, immò vehementer gaudens, & quasi cum Dauide gloriabundus ante arcã Domini tripudians dicere solitus: Vilius fiam plus quàm factus sum, & ero humilis in oculis meis. monitus à suis vt in diebus Rogationum, quando propter itineris longitudinem multum ambulandum est, propter dignitatem personæ suæ equo vehi vellet, recusauit, dicens: Nolo Dominum meum peditem (intelligebat crucifixi imaginem) eques sequi. O dictum verè aureum & magno heroe dignum! quod proceres multi sibi hodie proponant & imitentur. Plura iam antea enumeratis similia vel affinia diuinę punitionis exempla proferrem, sed

Gregor.
Turon.
lib. 2. c. 7.

Thomas
Staplet.
in vita
cap. 6.

sed suffecerint hæc pauca Catholicis in deuotione continendis : hæreticis autem ab errore reuocandis aut ad minimum à blasphemijs coercendis, quæ hoc sæculo, præ dolor! in sanctos Dei amicos, immò & in sanctorum reginam, Dei genetricem sunt adeò frequentes. Sed non dormit, at vindex excubat Dei manus semper vigilante virgam à Ieremia prophetice visam in hostes amicorum suorum vibrans, vt eos plectat & puniat. Viginti circiter anni sunt ex quo Hollandi B. Virginis Aspericollensis facellum expilarunt. Erat inter eos miles habens equum cœcutientem, qui veniens ad facellum, irridens dixit: Si Maria hîc miracula facit, illuminet meum equum. audiit virgo blasphemum, moxq; equo visum restituit, ipsum verò equitè blasphemum excæcauit. quod socius eius ante mortem, & in ipsa morte publice confessus est Werteti supplicio postmodum affectus ob aliud crimen. Iurauerat alius se suis manibus mulierculæ Hallensi (ita vocabat statuam B. Virginis) nasum abscissurum. Vix dixerat, & ecce plumbeâ glante ex vrbe Hallensi missâ nasus ei ipsi aufertur. qui multos annos postea miser vixit fuitq; ipsis Hollandis assiduo ludibrio, qui eum sæpius Hallas mittebant pro naso recuperando. Quid hoc ipso anno Gochæ interceptoribus sacram B. Virginis statuam ibidem sacrilegè blasphemantibus contigerit, notius est quàm vt pluribus referam. *Virgam vigilantem ego vides. quia vigilabit Dominus super verbo suo vt faciat illud.* Non enim, vt benè S. August. minus peccant qui blasphemant Christum (& proportionatè, sanctos eius) regnantem in cœlis, quàm qui crucifixerunt ambulatam in terris.

Ierem. 1.

Lipf. in
mir. virg.
Hall. &
Corn. à
Lap. in
cap. 14.
Leuit.

Ierem. 1.

S. Aug.
in illud
Matt. 26.
Blasphemauit.